



**REPÚBLICA DEMOCRÁTICA TIMOR-LESTE**  
**IV GOVERNU KONSTITUSIONAL**  
**SEKRETARIA ESTADO KONSELLU MINISTROS**

**KOMUNICADO BÀ IMPRENSA**

**SORUMUTUK KONSELLU MINISTROS LORON 25 FULAN FEVEREIRU TINAN 2009**

Konsellu Ministrus hala'o sorumutuk iha loron 25 Kuarta-feira, fulan Feveiru tinan 2009, iha Sala Sorumutuk Konsellu Ministrus nian, Palásio Governu, iha Díli, no aprova tiha:

**1- Dekretu-Lei ne'ebé mak regulamenta Lei Servisu Militar nian**

Dekretu-Lei ida ne'e hodi kria sistema rekrutamentu ida adaptadu ba realidade timor nian no hodi garante nesiedade bá prosedimentu rekrutamentu ida ne'ebé própriu duni ba reforma F-FDTL. Nune'e bele evita duplikasaun ba estrutura burokrátika hodi permiti katak organizasaun ba prosesu resenseamentu no rekrutamentu rasik mak determina nesiedade orgánika sira.

Konsidera katak, sistema rekrutamentu tenke konta ho desenvolvimentu Forsa Armada Timor-Leste nian tuir sira nia nesiedade, hodi atende ba conseitu empregu no estratéjia militar no defeza nasional, mak alterasaun agora dadauk ba Lei Servisu Militar nian permite atu halo rekrutamentu tuir forma voluntária husi sidadaun sira no la'ós dei't hó baze ba resenseamentu obrigatóriu.

Saída mak hakarak, mak rekruta joven kualifikadu sira ne'ebé ho habilitasaun akadémika, hodi nune'e bele hatan ba nesiedade kadru tékniku própriu duni ba desenvolvimentu no konsolidasaun F-FDTL no sei sai nu'udar kontinjente espesial ida husi rekrutamentu ne'e ba kadru permanente sira.

## **2- Rezolusaun ne'ebé aprova Extensaun ba Períodu Funsionamentu Painel Avaliasaun PNTL**

Bazeia ba rezultadu husi Komisaun Avaliasaun PNTL nian (kria atu apresia prosesu liu rihun tolu hirak ne'ebé pendente hela kona-ba avaliasaun ba responsabilidade disiplinár ka kriminal) Governu aprova ona extensaun ba mandatu komisaun ida ne'e nian ba fulan nen tan atu finaliza triajen husi prosesu hirak ne'ebé seidak hotu.

## **3- Dekretu-Lei ne'ebé aprova Servisu Transporte Funeráriu nian.**

Bainhira servisu transporte funeráriu funsiona ona tuir baze territorial reduzida ida no la iha enkuadramentu lejistaltivu ne'ebé permiti atu identifika lolós kritériu utilizaun ba servisu ne'e, nune'e IV Governu konsidera relevante bá nia organizaun atu bele atende ba nessesidade familia hotu-hotu nian ho forma ne'ebé justu no hanesan.

Nuné, diploma ida ne'e defini kritériu utilizaun no modu funsionamentu Servisu Transporte Funeráriu nian.

## **4- Dekretu ne'ebé kria Ajênsia hodi halo Jestaun ba Partispasaun iha Jogus -AGPJ**

Rejme legal ba aktividade jogu tradisional no konsesaun exploraun no hodi fahan lotária prevé atu forma pesoa kolektiva ida ba utilidade pública ne'ebé mak halo jertaun ba reseita husi kontribuisaun sosial ne'ebé kria ne'e.

Hó maneira ida ne'e, dekretu ne'e hodi forma no regulamenta pesoa kolektiva pública, ne'ebé mak sei halo jestaun no afetasaun sosial ba reseita pública, la'ós fiskal, ne'ebé Estadu dei't mak liu husi konsesaun exploraun ba jogu rekreativu no sosial sira.

Ajênsia foka liu ba simplisidade, partisipasaun husi setor empreezariál no kordenasaun governativa no sai importante liu atu garante redistribuisaun ne'ebé transparente no própriu duni ba reseita pública extra fiskal ne'ebé kolia daudauk ne'e.

## **5- Proposta Lei ne'ebé aprova estatutu Remuneratóriu Majistradu Judisial, Ministériu Públiku no Ajente Defensoria Pública**

Estatutu ba majistradu Judisial no majistradu Minitériu Públiku nian estabelese katak, remunerasaun ida-idak sei fiksa iha diploma rasik, hodi konsidera ba kna'ar hirak ne'ebé mak hala'o, sira nia kategoria no tempu ne'ebé sira presta ba servisu. Dignifikasaun no motivaun ba klase Majistradu sei liu husi atribuisaun husi kadru salariál ida atu nune'e bele valoriza servisu maka'as ne'ebé sira halo no dala ruma la to'o tan. Nuné, alterasaun ida ne'e mosu tanba prezisa atu promove tuir karreira no estatutu

remuneratóriu ida ne'ebé haree liu ba dignidade kna'ar nian ne'ebé koalia daudauk ne'e, nune'e mós tanba sira nia ejjénsia no responsabilidade hirak ne'ebé sira simu.

Aprezentaun rejime remunerasaun ba Juiz , Prokurador Repúblika no Defensor Públiku sira nian iha diploma ida deit atu remunerasaun husi grupu tolu ne'e sai proporsional no transparente liu iha determinaun ba kuantia ne'ebe tuir kna'ar ne'ebé mak hala'o.